



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1611. usque ad annum 1617

Fleury, Claude

August. Vind. [u.a.], 1777

VD18 90118898

§. 68. Actum de reconciliando utroque Duce.

[urn:nbn:de:hbz:466:1-67313](https://nbn-resolving.org/urn:nbn:de:hbz:466:1-67313)

Sæc. XVII.
A. C. 1614.

§. LXVIII.

*Actum de reconciliando utroque
Duce.*

*Cont. Sleid. l. 19.
Cluver. epit. pag. 771.* Interim ad prævertendas belli calamitates die decima Junii Vefaliæ conventus habebatur, in quo Fœderatorum Ordinum Legati Neoburgicos hortabantur, ut Düffeldorpii præfidiarios intra tridui spatium dimitterent, atque a munienda civitate abstinere: quibus tamen Neoburgici non sine fibilo responderunt, se restituta in integrum Juliacensi urbe, quicquid in se esset, prompte facturos: cum igitur neutra pars de jure suo cederet, re infecta discessum est. Neoburgicus tamen Princeps pacis studiosissimus datis literis exponebat, quam iniquo ferret animo, quod ipse inscius & invitus, præfidiariis suis urbe ejectis, arce Juliacensi pene excluderetur, Ordines vero non sine maxima Cæsaris, aliorumque Imperii Principum offensione possessionem tot sumptibus ac laboribus assertam interturbarent, inducta sequestratione, quam tamen ipsimet antea in Leopoldo Archiduce damnassent: proin præprimis peteret, ut arcis Juliacensis in integrum restitutio fiat, vicissim vero ipse, si idem Brandeburgicus sit

fit facturum, etiam ante hanc restitutionem promittere paratus esset, nihil se unquam adversus Brandenburgicos moliturum, sed pactis ac transactionibus arcem & omnia ad Juliacensem Regionem pertinentia futuro legitimo successorum integre conservaturum, cunctaque communi familiaritatis jure administraturum, obtento ad id Cæsaris aliorumque, quorum interest, Principum consensu. Verum hæc omnia pacis consilia everterat immodica ditioes latius protendendi cupiditas.

Sæc. XVII.
A. C. 1614.

§. LXIX.

Gloriosa Marchionis Spinolæ expeditio in Juliacensi Ducatu.

Cum igitur ex Brandenburgensium pertinacia novæ indies concitarentur turbæ, Mathias Cæsar & Philippus III. Hispaniæ Rex pacem, quam concordie pactis obtinere haud poterant, armis extorquere decreverunt: quocirca Alberto Belgii Principi, atque Archiduci negotium dabant, ut Neoburgico Duci validam præstaret opem. Hic itaque numerosum contrahit exercitum, cui Ambrosius Spinola Marchio auspiciis & voluntate Hispaniæ Regis præfectus, Rhenum dextera, lævaque copiis suis ac victoriis percurrit, & primo quidem

Ferrav. Hist.
Hisp. p. 215.
Merc. Gall.
l. c.
Ludolff. 1.
14. c. 2. n. 27.

A a 3

im-